



CONVENIO ENTRE O INSTITUTO GALEGO DE PROMOCIÓN ECONÓMICA (IGAPE) E ASOCIACION DE EMPRESARIOS GALEGOS DE CATALUÑA (AEGA-CAT) PARA O FOMENTO DA COOPERACION ENTRE EMPRESARIOS DE ORIXE GALEGO DE CATALUÑA E EMPRESARIOS GALEGOS DE GALICIA

REUNIDOS

En nome e representación do **INSTITUTO GALEGO DE PROMOCIÓN ECONÓMICA (IGAPE)**, Fernando Guldrís Iglesias, na súa calidade de director xeral. Está facultado para este acto en virtude da delegación de facultades do 23 de decembro de 2016 do presidente do Igape feita pública mediante Resolución do 25 de xaneiro de 2017 (DOG nº 23, do 2 de febreiro de 2017).

En nome e representación da **ASOCIACION DE EMPRESARIOS GALEGOS DE CATALUÑA (AEGA-CAT)**, Carlos Fernández Rodríguez, na súa calidade de presidente. AEGA-CAT foi constituída en Barcelona o 23 de novembro de 1989, inscrita no Registre d'Associacions de la Generalitat de Catalunya, baixo o nº 12.468, CIF nº G59347880, con enderezo Rúa Provença, 281, 2º 2ª (Barcelona).

As partes comparecentes recoñécense mutuamente plena lexitimación, capacidade e representación, para a sinatura do presente convenio e para estes efectos,

MANIFESTAN

PRIMEIRO.- Que o IGAPE é unha entidade de dereito público, adscrita á Vicepresidencia Segunda e Consellería de Economía, Empresa e Innovación da Xunta de Galicia, creada pola Lei 5/1992, do 10 de xuño, como un instrumento básico de actuación da Xunta de Galicia.

Entre as funcións encomendadas ao IGAPE en relación á expansión exterior –en virtude do disposto no artigo 4 da súa lei de creación–, están as de promover a creación de empresas nos distintos sectores de actividade económica que teñan maior impacto e vantaxes comparativas para o desenvolvemento da economía galega, favorecer a modernización e innovación tecnolóxica e organizativa das empresas galegas, proporcionar información sobre os mercados e favorecer o desenvolvemento das exportacións e acordos con empresas estranxeiras, así como apoiar e promover calquera tipo de actividades que contribúan á mellora do sistema produtivo de Galicia especialmente as de maior importancia estratéxica.

SEGUNDO.- Que a ASOCIACION DE EMPRESARIOS GALEGOS DE CATALUÑA (AEGA-CAT) foi constituída o 23 de novembro de 1989 e se rexerá polos seus estatutos, pola Lei Orgánica 1/2002, do 22 de marzo, reguladora do Dereito de Asociación, pola Lei da Generalitat de Catalunya 7/1997 do 18 de xunio, de Asociaciones (DOGC 2423 de 1 de julio) e demais lexislación que a complementa, regula e reglamenta.

Entre as actividades e fins da ASOCIACION DE EMPRESARIOS GALEGOS DE CATALUÑA cabe resaltar, entre outras, as seguintes:

- A representación dos seus membros en orde a súa actividade; especialmente á promoción comercial e difusión dos seus produtos e servizos



- Fomentar a solidariedade de todos os membros da Asociación, promocionando e creando servizos propios e de interese común para os asociados
- Intercambiar experiencias e información entre os seus membros
- Potenciar os contactos cos directivos, empresarios e profesionais galegos emigrados e impulsar a creación de empresas conxuntas ou mixtas
- Coadxugar o desenvolvemento económico, cultural e científico de Galicia mediante as accións que se determinen
- Establecer relacións con outras asociacións semellantes, en especial as constituídas por empresarios galegos
- Coadxugar o perfeccionamento das técnicas de xestión empresarial entre os seus asociados. Fomentar o desenvolvemento das actividades relacionadas coa formación para o emprego, a investigación e a innovación tecnolóxica
- Organizar encontros para intercambios de experiencias entre os asociados e fomentar a súa interrelación, en orde á mutua colaboración
- Estimular a eficacia e promover valores éticos no desempeño dos negocios e das actividades, resolvendo as diverxencias entre os asociados, cando sexa solicitado
- Proporcionar a libre discusión de todos os asuntos de interese dos asociados no ámbito exclusivo das súas actividades
- Orientar os asociados sobre as perspectivas de mercado, implantación de empresas, participacións e investimentos
- Manter un órgano de orientación xurídica e de consultas
- Administrar e dispor dos recursos da Asociación, sexan orzamentarios ou patrimoniais e a súa aplicación os fins e actividades propias da mesma
- Desenvolver proxectos de investigación e estudo de campos sectoriais e territoriais nos ámbitos formativo, social, económico e medioambiental, e todos aqueles relacionados coa actividade dos asociados
- Potenciar as relacións empresariais e sociais a través da colaboración con empresarios e profesionais e entidades públicas ou privadas de Galicia
- Todas cantas outras funcións de semellante natureza se consideren convenientes para o cumprimento dos seus fins e para a lexitima defensa dos seus membros

Para o mellor cumprimento dos fins sinalados, a ASOCIACION DE EMPRESARIOS GALEGOS DE CATALUÑA poderá levar a cabo, entre outras, as seguintes accións:

- Publicacións informativas para os asociados
- Xornadas de negocios, almozos de traballo e almozos con debates
- Celebración de Gala Anual coa entrega dos premios "Títulos de Excelencia Galega"
- Potenciar acordos de colaboración con empresas
- Organizar un premio anual ao Galego do Ano
- A representación da Asociación a nivel institucional
- A Constitución por acordo da Xunta Directiva, dentro do seno da Asociación, das comisións e grupos de traballo que se consideren convenientes na forma e condicións de funcionamento e xestión establecidas nos Estatutos presentes

TERCEIRA.- Co fin de promover a cooperación entre empresarios e profesionais de Galicia e empresarios socios da ASOCIACION DE EMPRESARIOS GALEGOS DE CATALUÑA considérase oportuna a sinatura deste Convenio.

Son obxectivos fundamentais deste convenio a información e detección de oportunidades de negocio entre os seus membros e asociados, o establecemento de alianzas comerciais,



tecnolóxicas e profesionais, así como a realización de investimentos individuais ou conxuntos en Galicia.

Por todo iso, a ASOCIACION DE EMPRESARIOS GALEGOS DE CATALUÑA (AEGA-CAT) e o IGAPE están interesados en colaborar para a consecución dos obxectivos comúns nas materias ás que se fai mención nos expositivos precedentes e, para ese efecto, subscriben o presente convenio de acordo coas seguintes

ESTIPULACIÓNS

PRIMEIRA.- OBXECTO

O presente convenio ten por obxecto regular a colaboración entre o IGAPE e a Asociación de Empresarios Galegos de Cataluña para o fomento da cooperación entre empresarios galegos de Galicia e os empresarios de orixe galego de Cataluña co obxectivo de fortalecer os negocios e alianzas deste colectivo, establecendo as bases que permitan a realización de distintas actuacións conxuntas cun horizonte temporal ata o 30 de decembro de 2022.

SEGUNDA.- XUSTIFICACIÓN DA UTILIZACIÓN DA FIGURA DO CONVENIO

Motívase a utilización da figura do convenio en que a ASOCIACION DE EMPRESARIOS GALEGOS DE CATALUÑA (AEGA-CAT) é a única asociación que agrupa colectivamente os intereses multisectoriais dos empresarios galegos en Cataluña.

Por outra banda, mediante este convenio o Igape non encomenda unha xestión de servizos a ASOCIACION DE EMPRESARIOS GALEGOS DE CATALUÑA (AEGA-CAT), senón que traza un marco de colaboración no que une as experiencias e eidos de competencias de cadaquén para acadar un fin común de interese público como é o de robustecer e consolidar a relación de entre empresarios galegos de Galicia e empresarios galegos de Cataluña. Esta é a canle axeitada, rigorosa e segura a través da colaboración leal e profesional entre os asinantes.

É esta idea de colaboración na consecución do fin común de fomento das relacións empresariais que fundamenta a subscripción deste instrumento. A colaboración entre o IGAPE e a ASOCIACION DE EMPRESARIOS GALEGOS DE CATALUÑA (AEGA-CAT) axústase a principios de lealdade, transparencia, boa fe, achega e responsabilidade.

TERCEIRA.- OBRIGA DAS PARTES

A realización das actuacións e compromisos da ASOCIACION DE EMPRESARIOS GALEGOS DE CATALUÑA (en adiante, AEGA-CAT) representa un importante valor tanto para as institucións galegas como para as empresas galegas que poidan beneficiarse. As ditas accións están encamiñadas, entre outras, a incrementar as relacións entre os empresarios asociados a AEGA-CAT e o Igape, e en xeral, a Xunta de Galicia. As distintas accións buscarán favorecer os contactos, promover acordos de colaboración que contribúan a facilitar posibles investimentos en Galicia así como a que empresas galegas incrementen as súas redes comerciais e presenza en Cataluña.

Para o correcto desenvolvemento do presente Convenio, AEGA-CAT contribúe con gastos propios para o desenvolvemento das distintas obrigas, asumindo gastos de persoal, materiais,



instalacións, equipamento, etc., necesarios para a organización, coordinación e desenvolvemento das actividades necesarias para a execución do Convenio, incluídas as de difusión, comunicación e publicitarias. Valórase a dita contribución de AEGA-CAT en 33.200 € para a anualidade do 2022.

Para a realización das actuacións obxecto deste convenio o IGAPE financiará como máximo 20.000 € para toda a anualidade do 2022, con cargo aos orzamentos do Igape para o ano 2022, e nos que existe crédito adecuado e suficiente para financiar ata o 100% do orzamento, conforme á partida orzamentaria 06.A1.741A.640.0.

AEGA-CAT non poderá obter ningunha contraprestación e/ou lucro das persoas ou entidades que participan naquelas actividades dos programas que financie directamente o Igape.

Como resultado, AEGA-CAT cofinanciará as actividades contempladas neste convenio coa asignación de custos de estrutura (persoal, materiais, instalacións, equipamento). O importe desta asignación estímase no 33.200 166% (33.200/20.000) do orzamento global do Igape do convenio.

Un. Compromisos e obrigas da ASOCIACION DE EMPRESARIOS GALEGOS DE CATALUÑA (AEGA-CAT)

1. Desenvolar as accións previstas No anexo II para o ano 2022.
2. Incrementar as relacións entre a ASOCIACION DE EMPRESARIOS GALEGOS DE CATALUÑA (AEGA-CAT) e o IGAPE, e en xeral, a XUNTA DE GALICIA.
3. Favorecer os contactos entre a Xunta de Galicia, o Igape e as principais institucións económicas e empresariais promovendo acordos e/ou convenios con, entre outros, as principais institucións ou asociacións empresariais cataláns, que contribúan a facilitar desenvolvementos e cooperación económicas.
4. Levar a cabo, directamente ou en colaboración con outras entidades, as actuacións que propoña ao amparo deste convenio, a Xunta de Galicia, o Igape, os clústeres ou as asociacións galegas que contribúan a fomentar a colaboración entre os empresarios galegos socios da Asociación de Empresarios Galegos en Cataluña (AEGA-CAT) e as empresas galegas, ben directamente ou ben a través das asociacións e clústeres.
5. Divulgar, buscar activamente, propoñer, etc. Galicia como destino de investimento dos empresarios socios da ASOCIACION DE EMPRESARIOS GALEGOS DE CATALUÑA (AEGA-CAT).
6. Realizar, unha vez ao ano en data a convir, ben presencialmente ou ben virtualmente, un encontro do IGAPE/Vicepresidencia Segunda e Consellería de Economía, Empresa e Innovación cos socios da AEGA-CAT onde transmitir as diferentes accións de promoción e desenvolvemento económico que se están levando a cabo por parte da Xunta para axudar ás empresas galegas.
7. Achegar, na primeira quincena do mes de novembro de cada ano no que estea vixente o convenio, un informe final anual coas principais accións desenvoltas ao longo do ano, que acrediten as actividades desenvolvidas, así como os informes e demais documentos que, de



ser o caso, sexan requiridos polo Igape, aos efectos da correcta xustificación do desenvolvemento das actividades subvencionadas.

8. Someterse á inspección e control do Igape co obxecto de supervisar o cumprimento das actividades previstas no convenio e que permitan a esta a súa xustificación financeira.

9. Cumprir as normas sobre confidencialidade de datos previstas na Lei orgánica 3/2018, do 5 de decembro, de protección de datos persoais e garantía dos dereitos dixitais.

A ASOCIACION DE EMPRESARIOS GALEGOS DE CATALUÑA (AEGA-CAT) asume o compromiso de difundir o financiamento do Igape en todo tipo de publicidade, información e material relativo á execución das actividades deste convenio, con suxeición ás normas da súa imaxe corporativa.

Dous. Compromisos e obrigas do Igape

O Igape comprométese a contribuír aos obxectivos deste convenio cunha cantidade máxima de 20.000 € con cargo á partida orzamentaria 06.A1.741A.640.0 para a anualidades 2022.

O presente convenio tramitarase como anticipado de gasto conforme ao disposto na Orde da Consellería de Economía e Facenda de 11/02/1998 (DOG núm. 34, de 19/02/1998), pola que se regula a tramitación anticipada de expedientes de gasto. En todo caso a disposición ou compromiso do gasto quedará condicionada á existencia de crédito adecuado e suficiente para financiar as obrigas derivadas deste.

O Igape contribuirá coas seguintes accións:

1. Apoiar as accións previstas no anexo II para o ano 2022.
2. Encontros de networking entre empresarios de AEGA-CAT e sectores relevantes da economía galega para que coñezan de primeira man o que se está desenvolvendo en Galicia en diferentes materias.
3. Unha vez ao ano ter, en data a convir ben presencialmente ou ben virtualmente, un encontro do IGAPE/Vicepresidencia Segunda e Consellería cos socios da AEGA-CAT onde transmitir as diferentes accións de promoción e desenvolvemento económico que se estean levando a cabo por parte da Xunta para axudar ás empresas galegas.

O Igape, para o correcto desenvolvemento do presente Convenio, contribuirá con 20.000 € na anualidade 2022 que axuden a cubrir os diferentes gastos nos que incorra a ASOCIACION DE EMPRESARIOS GALEGOS DE CATALUÑA (AEGA-CAT).

O Igape, en cada acción presentada no apartado Compromisos e obrigas da ASOCIACION DE EMPRESARIOS GALEGOS DE CATALUÑA (AEGA-CAT), contribuirá cun tope do 50% dos custos incorridos, debidamente xustificadas mediante facturas e relación de pagos, co máximo de 7.500 € por acción ata totalizar un máximo de 20.000 € no ano de vixencia do Convenio de Colaboración. Esta contribución pagarase unha vez se reciba no Igape o informe final anual coas principais accións desenvoltas ao longo do ano, así como os informes e demais facturas e documentos xustificativos do pago.

Tendo en conta que a ASOCIACION DE EMPRESARIOS GALEGOS DE CATALUÑA (AEGA-CAT) carece de ánimo de lucro na realización das actuacións obxecto do convenio, a contribución



pecuniaria do Igape á realización das actividades do seu obxecto, responde a unha compensación dos custos que terán que soportar de cara a lograr a efectividade e executividade do convenio.

Tres. Xustificación e pagamento das contribucións do Igape

1. A liquidación dos gastos comprendidos neste convenio farase da seguinte maneira: os 20.000 € da anualidade, pagaranse cun tope do 50% dos custos incorridos en cada acción e co máximo de 7.500 € por acción ata totalizar un máximo de 20.000, unha vez presentado no Igape o informe final coas principais accións desenvoltas ao amparo do presente convenio, así como os informes e demais facturas e documentos xustificativos do pago.

2. O prazo de presentación da solicitude de cobramento no Igape será, desde o día seguinte a finalización das accións indicadas no ANEXO II e ata como máximo o 15 de novembro de cada exercicio.

3. A documentación deberá presentarse en orixinal, no seu caso asinado, ou copia cotexada.

4. A solicitude de cobramento virá acompañada da seguinte documentación entregada pola ASOCIACION DE EMPRESARIOS GALEGOS DE CATALUÑA (AEGA-CAT):

a) Certificacións expedidas polas respectivas administracións públicas, que acrediten que se está ao corrente das obrigas tributarias e da Seguridade Social, así como a acreditación de non ter pendente de pagamento ningunha outra débeda, por ningún concepto, coa Administración Pública da Comunidade Autónoma ou autorización para que a Xerencia do Igape realice estas consultas polos seus propios medios, segundo o anexo I.

b) Declaración responsable asinada polo representante legal con poder suficiente, doutras axudas de carácter público ou privado para os mesmos gastos obxecto deste convenio ou, se é o caso, ausencia das mesmas, segundo o anexo I.

c) Declaración responsable da titularidade da conta bancaria onde se debe realizar o pagamento, segundo o anexo I.

d) No caso de estar exento do imposto sobre o valor engadido (IVE), documentación acreditativa da mencionada exención.

e) Un informe coas principais accións desenvoltas, e que acrediten as accións de colaboración establecidas no convenio.

f) Breve informe sobre a situación de AEGA-CAT que faga referencia ao número de asociados, altas e baixas ao longo da vixencia do convenio.

g) Ademais, e para xustificar a aportación de AEGA-CAT ao presente convenio, relación, mediante documentos oficiais correspondentes tales como facturas, nóminas, etc., dos gastos propios incorridos para o desenvolvemento das distintas obrigas que asume AEGACAT, entre os que caben salientar os seguintes (segundo o modelo do anexo I):

- Gastos de persoal da AEGA-CAT.
- Pago de alugueres da sede social da AEGA-CAT.
- Gastos de material e consumibles necesarios para o desenvolvemento das accións de AEGA-CAT.



- Gastos operativos da sede social de AEGA-CAT tales como teléfono, luz, auga, gas, etc.
- Outros gastos incorridos imputables as obrigas que asuma a AEGA-CAT.

Todos os gastos computables deberan ser xustificados mediante transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.

En todo caso, o Igape, resérvase o dereito de solicitar toda a documentación que considere precisa en relación coa realización das actuacións obxecto deste convenio, e calquera outra que estime oportuna para a correcta xustificación do gasto e o seu pagamento.

Procederá a minoración das contribucións cando as actuacións desenvolvidas e xustificadas o abeiro deste convenio non acaden os importes dos gastos xustificables e sempre que esta minoración non supoña unha realización deficiente do proxecto.

A ASOCIACION DE EMPRESARIOS GALEGOS DE CATALUÑA (AEGA-CAT) manterá a disposición do Igape ou de calquera organismo público con capacidade de fiscalización da Comunidade Autónoma de Galicia, tales como Intervención Xeral, o Tribunal de Contas e o Consello de Contas, todos os xustificantes dos gastos e ingresos obtidos a fin dunha verificación in situ, ben por medios propios ou mediante auditor externo.

CUARTA.- DIRECTORIO DE EMPRESAS E PROFESIONAIS GALEGOS DA ASOCIACION DE EMPRESARIOS GALEGOS DE CATALUÑA

Coa sinatura do presente convenio, a ASOCIACION DE EMPRESARIOS GALEGOS DE CATALUÑA comprométese a entregar nun prazo de 3 meses o directorio actualizado de empresarios e profesionais de orixe galego asociados a Asociación.

QUINTA.- DIFUSIÓN

A ASOCIACION DE EMPRESARIOS GALEGOS DE CATALUÑA comprométese a difundir e promocionar entre os seus asociados, tanto a sinatura do presente convenio, como as actuacións que se desprendan do mesmo, para desta maneira axudar o seu mantemento e crecemento.

SEXTA.- VIXENCIA E CAUSAS DE RESOLUCIÓN

O presente convenio entrará en vigor o día seguinte da sinatura do mesmo e terá duración ata o 30 de decembro de 2022, podendo prorrogarse por un ano adicional, ata o 30 de decembro de 2023, previo acordo das partes.

O convenio extinguirase polo cumprimento das actuacións que constitúen o seu obxecto ou por incorrer en causa de resolución.

Son causas de resolución:

- a) O transcurso do prazo de vixencia do convenio sen terse acordado a súa prórroga.
- b) O acordo unánime de todos os asinantes.



- c) O incumprimento das obrigas e compromisos asumidos por parte dalgún dos asinantes. Neste caso, calquera das partes poderá notificar á parte incumpridora un requirimento para que cumpra nun prazo de 10 días hábiles coas obrigas ou compromisos que se consideren incumpridos. Este requirimento será comunicado á Comisión de Seguimento do convenio e ás demais partes asinantes. Se transcorrido o prazo indicado no requirimento persistira o incumprimento, a parte que o dirixiu notificará ás partes asinantes a concorrencia da causa de resolución e entenderase resolto o convenio.
- d) Por decisión xudicial declaratoria da nulidade do convenio.
- e) Por calquera outra causa distinta das anteriores prevista no convenio ou noutras leis.

Se cando concorra calquera das causas de resolución do convenio existen actuacións en curso de execución, as partes, a proposta da Comisión de Seguimento do convenio, poderán acordar a continuación e finalización das actuacións en curso que consideren oportunas, establecendo un prazo improrrogable para a súa finalización, transcorrido o cal deberá realizarse a súa liquidación.

SETIMA.- COMISIÓN DE SEGUIMENTO

Coa finalidade de asegurar o cumprimento deste convenio, crearase unha comisión de seguimento de composición paritaria, que coordinará o seu desenvolvemento. Reunirase a petición dunha das partes, e actuará como órgano de vixilancia, seguimento e control do establecido neste Convenio.

A citada comisión estará presidida por un dos representantes do Igape. En todo o non especificamente previsto sobre o funcionamento desta comisión, serán de aplicación as normas sobre órganos colexiados previstas no capítulo II do título II, da Lei 39/2015, de 1 de outubro, do Procedemento Administrativo Común das Administracións Públicas, e na sección III, capítulo I, título I (artigos 15 e seguintes) da Lei 16/2010, de 17 de decembro, de organización e funcionamento da Administración xeral e do sector público autonómico de Galicia. A propia comisión, unha vez constituída, decidirá o réxime das súas reunións

OITAVA: MODIFICACIONES DO CONVENIO

O presente convenio poderá ser obxecto de modificación cando teña como finalidade o logro dos obxectivos de estabilidade orzamentaria e sustentabilidade financeira. A devandita modificación terá por obxecto a redución do volume das obrigas ou a ampliación do seu prazo de execución.

Toda alteración que se realice referente ao contido deste convenio será proposta pola Comisión de Seguimento e deberá formalizarse na correspondente addenda.

NOVENA.- PUBLICIDADE

De conformidade co artigo 15 da Lei 1/2016, do 18 de xaneiro, de transparencia e bo goberno e co previsto no Decreto 126/2006, do 20 de xullo, polo que se regula o Rexistro de Convenios da Xunta de Galicia, o IGAPE e a Vicepresidencia Segunda e Consellería de Economía, Empresa e Innovación publicarán no Diario Oficial de Galicia e na súa páxina web oficial o importe da contribución económica ao amparo deste convenio e a entidade destinataria desta; e incluírá



igualmente a referida contribución e as sancións que como consecuencia desta puidesen impoñerse nos correspondentes rexistros públicos, polo que a sinatura do convenio leva implícita a autorización para o tratamento necesario dos datos da entidade e a referida publicidade, así como a súa cesión por parte do IGAPE aos órganos competentes da Vicepresidencia Segunda e Consellería de Economía, Empresa e Innovación.

AEGACAT deberá subministrar toda a información necesaria para que o Igape poida dar cumprimento ás obrigas previstas no Título I da Lei 1/2016, do 18 de xaneiro, de transparencia e bo goberno. As consecuencias do incumprimento desta obriga serán as establecidas no artigo 4.4 da citada lei.

DÉCIMA. PROTECCIÓN DE DATOS DE CARATER PERSOAL

En virtude do disposto no artigo 26 do Regulamento (UE) 2016/679, xeral de protección de datos (RXPD) e na Lei orgánica 3/2018, do 5 de decembro, de protección de datos persoais e garantía dos dereitos dixitais (BOE nº 294, do 6 de decembro), AEGA-CAT se calquera das partes accede a datos de carácter persoal contidos en ficheiros titularidade de a, adquiren a condición de encargados do tratamento e comprométense a:

- Non utilizar nin tratar datos de carácter persoal cunha finalidade distinta á execución do convenio, non comunicar os datos baixo ningún concepto a terceiras persoas, nin sequera para a súa conservación e, en especial, non reproducir, nin publicar, nin difundir ningunha información acerca dos datos.
- Garantir o cumprimento das medidas de seguridade establecidas, así como a súa correcta implementación.
- Ao termo da relación, por calquera causa, os datos de carácter persoal aos que tiveran acceso as restantes partes, deben ser destruídos ou devolverse a AEGA-CAT, incluíndo calquera soporte ou documento.

O incumprimento destas obrigas fai responder ás restantes partes das infraccións que cometa coma se ocupase a posición de responsable do tratamento.

O Igape responde fronte a AEGA-CAT do cumprimento destas obrigas polas persoas que na súa representación participen de calquera modo na execución do convenio.

DÉCIMO PRIMEIRA. RESPONSABILIDADE

A subscrición deste convenio non implicará relación laboral contractual ou de calquera outro tipo entre os profesionais ou entidades que vaian desenvolver as actuacións obxecto deste convenio e o Igape, de tal xeito que non se poderá esixir a este Instituto responsabilidade ningunha, nin directa nin subsidiariamente, polos actos ou feitos acaecidos no desenvolvemento do devandito convenio.

DÉCIMO SEGUNDA. AUTORIZACIÓNS

As asociacións asinantes consenten expresamente a inclusión dos datos persoais e relevantes deste convenio nos rexistros públicos que proceda, de acordo co Decreto 126/2006, do 20 de xullo, polo que se regula o Rexistro de Convenios da Xunta de Galicia, así como poderá exercer



os seus dereitos de acceso, rectificación, cancelación e oposición respecto do contido dos registros antes citados, ante a Dirección Xeral do Instituto Galego de Promoción Económica, sito no Complexo Administrativo de San Lázaro s/n, 15707 Santiago de Compostela, en aplicación do disposto no Decreto 126/2006.

Este consentimento esténdese á autorización para a cesión dos seus datos á entidade financeira na que se aboe o pagamento, ao *Diario Oficial de Galicia* e ás demais cesións previstas na lei.

DÉCIMO TERCEIRA. NATUREZA E RESOLUCIÓN DE CONTROVERSIAS

O presente convenio ten natureza administrativa, quedando fóra do ámbito de aplicación, da Lei 9/2017, do 8 de novembro, de contratos do sector público de conformidade co seu artigo 6 e para calquera cuestión litixiosa que se derive do mesmo, será de aplicación a Lei 29/1998, do 13 de xullo, reguladora da xurisdición contencioso-administrativa.

Ambas partes comprométense a resolver de común acordo, ante a Comisión de Seguimento, calquera controversia que puidera suscitarse sobre a interpretación ou execución deste convenio.

En caso de conflito, ambas partes acordan someterse á Xurisdición Contencioso-Administrativa.

DÉCIMO CUARTA. NORMATIVA APLICABLE

Para todo o non previsto neste convenio aplicarase o previsto na Lei 40/2015, do 1 de outubro, de réxime xurídico do sector público, así como na Resolución do 8 de abril de 1991 (DOG nº 82, do 30 de abril) pola que se fai público o acordo do Consello da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, na Lei 1/2016, do 18 de xaneiro, de transparencia e bo goberno e no Decreto 126/2006, do 20 de xullo, polo que se regula o Rexistro de Convenios da Xunta de Galicia, en todo o que non contradiga a primeira.

E en proba de conformidade, as partes asinan o presente convenio o 24 de xaneiro de 2022.

Polo **INSTITUTO GALEGO DE PROMOCIÓN
ECONÓMICA (IGAPE)**

Fernando Guldrís Iglesias
DIRECTOR XERAL

Pola **ASOCIACION DE EMPRESARIOS GALEGOS
DE CATALUÑA (AEGA-CAT)**

Carlos Fernández Rodríguez
PRESIDENTE



ANEXO I DECLARACIÓNS E AUTORIZACIÓNS

Don Carlos Fernández Rodríguez con DNI 76567928P en nome e representación da entidade Asociación de Empresarios Gallegos de Cataluña con número de identificación fiscal G59347880,

DECLARO, baixo a miña responsabilidade, que a entidade a que represento non mantén ningunha débeda nin obriga pendente coa administración tributaria estatal española e galega, coa Seguridade Social española nin coa Xunta de Galicia.

AUTORIZO expresamente ao Igape: Para que solicite da Axencia Estatal da Administración Tributaria, da Consellería de Facenda e Administración Pública e da Seguridade Social a información relativa ao cumprimento por parte da entidade que represento das obrigas tributarias estatais e autonómicas, as obrigas coa Seguridade Social e de ausencia doutras débedas coa Comunidade Autónoma.

A entidade comprométese a comunicar ao Igape calquera cambio ou novidade na información que pola presente se declara, a partir da data abaixo sinalada e ata a finalización da liquidación da presente anualidade do Convenio de referencia.

DECLARO, baixo a miña responsabilidade: Que para os mesmos gastos acollidos ao convenio de colaboración entre o Igape e a ASOCIACION DE EMPRESARIOS GALEGOS DE CATALUÑA para o desenvolvemento de diversas accións de promoción e fortalecemento da Rede para o exercicio 2022, a entidade que represento:

- Non ten recibido ningunha outra axuda nin pública ni privada.
- Ten recibido as seguintes axudas polos importes que se detallan:

Organismo convocante	Data de solicitude	Importe solicitado (euros)	Data de aprobación	Importe recibido (euros)

DECLARO que as accións contempladas e realizadas na anualidade _____ incluídas neste Convenio de Colaboración entre o IGAPE e a ASOCIACION DE EMPRESARIOS GALEGOS DE CATALUÑA (AEGA-CAT) foron as seguintes:

Descrición da acción	Data e lugar celebración	Importe total do custo da acción	Relación das facturas incorridas na celebración da acción, incluíndo importes.



Relación, mediante documentos oficiais correspondentes tales como facturas, nóminas, etc., dos gastos propios incorridos para o desenvolvemento das distintas obrigas que asume AEGA-CAT, entre os que caben salientar, a modo de exemplo, os seguintes:

Concepto Gasto	Importe do gasto incorrido
Gastos de persoal da AEGA-CAT	23.000€
Pago de alugueres da sede social da AEGA-CAT	3.600 €
Gastos de material e consumibles necesarios	200 €
Gastos operativos da sede social de AEGA-CAT tales como teléfono, luz, auga, gas, etc.	1.400€
Outros gastos incorridos imputables as obrigas que asume a AEGA-CAT	5.000 €

Todos os gastos computables deberan ser xustificados mediante transferencia bancaria, certificación bancaria orixinal ou extracto de pagamento. Non se admitirán os pagamentos en efectivo.

DECLARO, baixo a miña responsabilidade, para os efectos de poder ser beneficiario das contribucións obxecto deste convenio, que os datos consignados nesta declaración relativos á conta bancaria aberta ao nome da entidade a que represento son certos. A falsidade do declarado determinará a imposibilidade de percibir, de ser o caso, os dereitos recoñecidos no procedemento administrativo desde o momento en que se teña constancia da falsidade, sen prexuízo das responsabilidades penais, civís ou administrativas que procedan.

Entidade	Sucursal	D.C.	IBAN
0081	4199	27	0001818088

En.....a.....de.....de.....

Asdo.....



ANEXO II PROPOSTA DE ACCIONS DA ASOCIACION DE EMPRESARIOS GALEGOS DE CATALUÑA (AEGA-CAT) PARA O ANO 2022

Don Carlos Fernández Rodríguez con DNI 76567928 P, en nome e representación da entidade Asociación de Empresarios Gallegos de Cataluña con número de identificación fiscal G59347880.

DECLARO, baixo a miña responsabilidade, que a entidade a que represento ten planificado levar a cabo, o amparo do presente Convenio, as seguintes accións o longo de 2022 dende a entrada en vigor do Convenio ata o 30 de decembro de 2022:

Encontros AEGA-CAT, publicación *Feitos*, evento institucional anual e aplicación e desenvolvemento das ferramentas online de AEGA-CAT.

Nome acción	Descrición acción	Custo total estimado realización acción
Encontros AEGA-CAT	Reunións mensuais co obxectivo de crear sinerxías entre empresas e impulsar o seu desenvolvemento. Realízanse unha media de sete encontros anuais, por un importe aproximado de 1.500 euros cada un. A cada un deles vai unha personalidade invitada dos ámbitos empresarial, cultural, financeiro ou administrativo, que desenvolve un tema de actualidade. A súa intervención finaliza cun coloquio entre todos os asistentes.	10.500 € (sen IVE)
Publicación <i>Feitos</i> . Produción	Revista anual das actividades, servizos e produtos das empresas galegas, tanto integradas en AEGA-CAT como externas. Canle promocional a disposición das empresas. Nesta fase inclúese a redacción, maquetación, elaboración de artigos, etc. En resumo, todo o relacionado coa preparación da revista. No seu contido, incorpórase unha reportaxe de tres páxinas ou 1 ou 2 páxinas de publicidade sobre un tema elixido polo IGAPE.	2.000 € (sen IVE)
Evento institucional anual	Evento institucional no que se entregan os Títulos de Excelencia Galega e ao que acoden representantes dos Gobernos Galego, Catalán e Español. Nesta xornada faise visible todo o potencial de AEGA-CAT e trabállase para aumentar o número de asociados e contactos útiles para o colectivo. No marco da Cea de Gala celébrase a cerimonia de entrega dos Títulos de Excelencia Galega que, instituídos por AEGA-CAT en 2005, recoñecen a traxectoria persoal e profesional	15.000 € (sen IVE)



	<p>de quen contribúe ao desenvolvemento e ao coñecemento de Galicia no exterior.</p> <p>A presenza de representantes de empresas de todos os ámbitos e das Administracións públicas significan un apoio fundamental á hora de ratificar a importancia e o protagonismo do empresariado galego neste evento.</p> <p>Nos gastos de produción do mesmo inclúense, entre outros, o alugueiro da sala, material audiovisual, promoción, desenvolvemento da imaxe corporativa, etc.</p> <p>Reúne a uns 300 comensais e celébrase, xeralmente, na primeira semana de xullo.</p>	
Encontros Xunta e Igape	<p>Realización de dous encontros cos empresarios de AEGA-CAT, a Xunta de Galicia e o IGAPE, para acercar e fomentar as relacións entre todos e o maior coñecemento das institucións galegas. Teñen un importe aproximado de 1.500 euros cada un.</p>	3.000 € (sen IVE)

En, a de de

Asdo.: